

信禮無上太虛天太乙月字星君

太陰无玉緯 精鬼育群生 青桂黃華輔
營羅保素靈 毛頭分怪狀 彗尾或潛經
舍次流災福 齋修洞杳冥和與道合真

福生無量天尊

向來開祝十一曜星燈功德周圓伏以三垣
二極統圓蓋之眾星七緯四餘仰方輿之群
品清微頌政紫闕宜符禍福已求敢昧動天
之德災祥天降盍殫反己之功切切分陰奉
奉寸抱念淵臨冰履或寡過之未能而春育
海涵幸災穰之可覲微福九光之燭齊心一
辦之香伏願德耀流輝慶雲垂蔭虎龍混合
漱瓊液以逍遙烏免循環育朱顏而容與禎
祥川委毒害煙消玉燭宣和朝野慶太平之
運金穰應瑞霰瀛昌大定之基萬象歡榮九
幽披朗為如上緣請
聖作證志心稱念長生保命天尊不可思
議功德

靈寶領教濟度金書卷之一百三十八

靈寶領教濟度金書卷之一百三十九
問

洞微高士開光救苦真人寧全具校
靈寶道玄私教水南先生林靈真編

科儀立成用品祈禳通用

周天燈儀

步虛 灑淨 祝香

碧霧浮空綠雲凝竊遍十華而鬱秀騰六合
以融方牛首氣氤氳獅頭縹緲以合恭藝寶香
遙瞻供養

太上無極大道三清上聖十極高真紫微垣
帝座星君太微垣帝座星君天市垣帝座星
君勾陳華蓋天皇大帝君太陽靈儀帝君太
陰結璘皇君五方五德星君四餘四曜星君
南辰六闕延壽星君北極九府延生星君東
方蒼龍七宿星君南方朱雀七宿星君西方
白虎七宿星君北方玄武七宿星君周天乾
象十二分次一切星宰仗此寶香普同供養
伏聞東陽有赫耀三景以開明垂象無私散
五常而迴度碧落內尊於帝座玄虛旁列於

星垣烏兔循環定曉夜晦明之象虎龍輪轉
正朝昏出沒之期為帝車而定南北之樞機
周天幅而正東西之橐籥一十二次上列虛
無三十六禽下符妙有中外官別隱見之異
黃赤道辨邪正之差俯司方域之災祥仰輅

玄穹之機普凡伸控謝公獲感通依依臨下
之恩切切由中之禱今懸官恭乾清徹悉坤
濁凝形荷經緯之照臨感玄黃之化育仰瞻
紫漢炯然而瓊彩陸離旁睇青霄燁爾而瑤
芒璀璨皈依芝座琛列蓮缸周天之璧月呈
輝傾心事上市地之珠星流彩稽首由中扣
風聲以球鳴擊雲鍾而玉振步虛朗徹梵唱
流明開祝

無上周天星燈一座恪祈景貺庸輅善釐伏
願離官赤心地水清性天玉潔景星夕曜履
福地以熙春湛露朝濡樂壺天而宴景金波
高照玉漢斜飛五福雲臻固精神而不老三
壽天錫御步武以長新庶彙均榮一人有慶
澤飛潛而化化滋動植以生生稽首皈依無
極大道

福生無量天尊

臣眾等志心皈命無上玉虛天紫微太微
天三垣帝座星君勾陳華蓋天皇大帝
星君斗中神仙和諸靈官

伏聞東西蕃環列尉後臨閣道左右掖周

羅將相前御端門太微號三光之庭紫微受

眾星之拱旁稱天市實應地封勾陳尊大帝
之居華蓋顯天皇之位握三元燦秉萬神圖

外昭布於星垣內聿嚴於天座光明潤澤表

九重休徵之符微暗昏蒙示萬乘災期之兆

凡勤奉而皈命必激越以馳神今醮主恭饗

帝克誠事天以實望蘭缸而容與想芝炬之

燐煌皈命無上玉虛天紫微垣帝座星君太

微垣帝座星君天市垣帝座星君勾陳華蓋

天皇大帝星君伏願民情上通天休下建萬

八千歲逍遙盛世之春秋千二百年遊宴清

時之日月朱顏怡悅綠鬢豐茸稽首皈依虔

誠讚詠

信禮無上玉虛天紫微垣帝座星君太

微垣帝座星君天市垣帝座星君勾陳

華蓋天皇大帝星君

玄象垂光 碧落流芒 紫微太微 天市居旁
中嚴帝座 臨照萬方 一人有慶 潤澤吉昌
御勾陳口 越有天皇 下司黎庶 昭爾災祥
小兆皈命 惠澤無疆 願得長生

福生無量天尊

臣眾等志心皈命無上玉虛天太陽炎光
帝君太陰素曜元君斗中神仙和諸靈
官

伏聞鬱儀結璘胤陰陽之精粹方諸陽燧承

烏兔之英華麗天而五色流芒燭地而萬方

煥景肩珥抱瑤仰言徵於玄虛重暈陽光瞻

嘉符於碧落光騰賜谷影浸廣寒別分至啓

閉之差盈縮升降辨朔望晦明之異臄胸疾

遲雖來往於天中實升沉於地表凡勤奉以

皈命必激越以馳神今醮主恭饗帝克誠事

天以實望蘭缸而容與想芝炬之燐煌皈命

無上玉虛天太陽炎光帝君太陰素曜元君

伏願上帝鑒觀下民欽若八荒壽域通無聲

無色之天九執福鄉造不識不知之地物無

疵癘家有禳祥稽首皈依虔誠讚詠

信禮無上玉虛天太陽炎光帝君太陰
素曜元君
陽精陰粹 二景流暉 經天煥彩 旋行兩儀
炎光歲周 黃華月馳 一見一隱 晝夜陸離
入交入轉 臄胸盈虧 下司黎庶 明示青機
小兆皈命 百祿來宜 願得長生

福生無量天尊

臣眾等志心皈命無上玉虛天重華執法
太白伺晨地暎五德星君斗中神仙和
諸靈官

伏聞東南西北中布五方而應化木火土金

水分五德以行權仁表號於青華禮尊名於

榮感因主客而分勝負太白轄兵由出入而

別昏晨伺晨典戰國家吉曜福德垣星空碧

災符變芒角鈞紀之象清臺常數匿伏逆進

退之躔經行出炎先後先占楯黃道左右

凡勤奉而皈命必激越以馳神今醮主恭饗

帝克誠事天以實望蘭缸而容與想芝炬之

燐煌皈命無上玉虛天五靈五德星君伏願

無色之天九執福鄉造不識不知之地物無

純嘏風生嘉祥日至焉飛魚躍生生自樂於
春臺歌舞鳳儀化常遊於夏屋天和雜襲
帝渥駢著稽首皈依虔誠讚詠

信禮無上玉虛天五靈五德星君
五靈列位 煥明五方 歲星輔德 水曜除殃

執法禮象太白騰光地曠拱照邦家吉昌
容流飛奔水火兵荒下司黎庶順祥逆殃
小光皈命福德來翔願得長生

福生無量天尊

衆等志心皈命天一紫炁星君大一月
字星君交初羅睺星右交中計都星君
斗中神仙和諸靈官

伏聞主常主變以潛形仰天一太乙之號行
陰行陽而隱道企交初交中之稱曆紀四餘
名傳九執示福德兆災異炁字殊形推交食
對闔虛計羅異狀或逆行於黃道或順步於
清虛周伯榮煌想道星之夕見虫尤昭哲宜
尋耀之宵輝統領堪輿斡旋宇宙凡勤奉而
皈命必激越以馳神今醮主其饗帝克誠事
天以寶望蘭缸而容與想芝炬以榮煌皈命

無上玉虛天天乙紫炁星君太乙月孛星君
交初羅睺星君交中計都星君伏願民意潛
通帝心昭鑒歲功七十二候喜炁長春春周
三百六旬祥光不夜門庭倏倏閭里雍雍稽
首皈依虔誠讚詠

信禮無上玉虛天天乙紫炁星君太一
月孛星君交初羅睺星君交中計都星君
順行天道道星孛星逆行乾度首尾周經
三凶一吉萬品權衡炁回四七字運九齡

羅計十八倒景分程下司黎庶獨照福星
小光皈命禎祥來并願得長生

衆等志心皈命南辰六闕延壽星君北
極九府延生星君斗中神仙和諸靈官

伏聞地之北天之中配七元於七政地之南
天之北位六司於六辰為天車而臨制四方
主天廟而權衡六合天之喉舌表論思獻納
之忠帝之股肱領爵祿賢能之任尊居朝著
權典疑丞移節度以佐中垣運行赤道典壽
命而儕列舍主宰黃圖乘魁建杓枕參觜角
凡勤奉而皈命必激越以馳神今醮主其饗

帝克誠事天以寶望蘭缸而容與想芝炬以
榮煌皈命無上玉虛天南辰六闕延壽星君
北極九府延生星君伏願帝暉昭宣民欲廣
遂朝多罔鳳輶肯草於圓扉野絕谷駒靜綠
林於方域擊壤自樂五采相歡稽首皈依虔
誠讚詠

信禮無上玉虛天南辰六司延壽星君
北極九府延生星君
維北有斗南斗同倫南機北樞三省爰分
權衡攸寓將相稱尊一領金華一定辰昏

中斡帝化月冕日冕下司黎庶何福不臻
小光皈命步武生春願得長生

福生無量天尊
衆等志心皈命東方蒼龍角亢房心
尾箕七宿星君斗中神仙和諸靈官

伏聞象表蒼龍典東陸之七宿名尊太皞領
震位之諸星角職兵刑亢主疾疫氏為休解
之舍動有征徭房乃明堂之宮靜司車駕心
號天王賞罰之立尾稱後官后妃之場或內
朝或內庭奏事所屬曰天衢曰天馳布政攸

歸箕標填御之宮亦為胡格之客凡勤奉而
皈命必激越以馳神今懸主某饗帝克誠事
天以實望蘭缸而容與想芝炬之熒煌皈命
無上玉虛天東方蒼龍角亢戌房心尾箕七
宿星君伏願慶錫九清災消五濁景星夕燦
遍九野之光輝湛露朝濡廓八圓而潤澤萬
象止止庶績熙熙稽首皈依虔誠讚詠

信禮無上玉虛天東方蒼龍角亢戌房

心尾箕七宿星君

東默蒼龍角尾包維廣表震方所象是宜
南箕口舌天根應氏理獄聽訟錄功發欺
亢豎房心疏廟爰依下司黎庶昭灼明輝
小兆皈命萬福咸熙願得長生

福生無量天尊

臣東等志心皈命南方朱雀井鬼柳星張

翼軫七宿星君斗中神仙和諸靈官

伏聞朱雀標稱統陸離之七宿炎帝應化任
離位之諸星井主水衡鬼為祠事柳號尉宰
和滋味而主木功星真衣裳守盜賊而領急
事張列珍寶服御而觴容翼職排優戲樂以

肅賓為亭坡為天都法今平而金玉積為官
負為器府要亮至而禮樂興軫為宰輔臣
之官兼司車騎裁任之職凡勤奉而皈命必
激越以馳神今懸主某饗帝克誠事天以實
望蘭缸而容與想芝炬以熒煌皈命無上玉

虛天南方朱雀井鬼柳星張翼軫七宿星君

伏願頌祝上玄承休下土靈風披拂廓四海
以清夷聖日昭融會八紘而開泰粉榆露潤
桑梓煙消稽首皈依虔誠讚詠

信禮無上玉虛天南方朱雀井鬼柳星

張翼軫七宿星君

南方朱雀喙翼參差統領離方三鶉流披
鬼察奸謀柳主風雷井為南門星典端衣
張號宗廟翼軫風隨下司黎庶變動先知
小兆皈命延納嘉禧願得長生

福生無量天尊

臣東等志心皈命西方白虎奎婁胃昂畢

觜參七宿星君斗中神仙和諸靈官

伏聞白虎標名總西陸之七宿少暉司化領
兌位之諸星武庫奎司天獄翼職胃為天藏

主倉廩以賑饑昂曰天街號旄頭而備敵畢
任邊將觜與兵儲溝瀆攸司主犧牲而職孫
子弋獵是堂典葆旅而務斬除參膺殺伐之
權兼任要荒之外凡勤奉而皈命必激越以
馳誠今懸主某饗帝克誠事天以實望蘭缸

而容與想芝炬之熒煌皈命無上玉虛天西

方白虎奎婁胃昂畢參七宿星君伏願麗
日融怡和風鼓動祥光洞煥四時消無妄之
災瑞氣昭回八節輅有亨之慶百昌茂育萬
寶生成稽首皈依虔誠讚詠

信禮無上玉虛天西方白虎奎婁胃昂

畢參七宿星君

獸標白虎耳昂目奎統領允方西成故施
婁主聚眾胃職虎饑畢司邊兵收斂觜時
參主權衡徽澤未歸下司黎庶福祿馬依
小兆皈命百順咸宜願得長生

福生無量天尊

臣東等志心皈命北方玄武斗牛女虛危

室壁七宿星君斗中神仙和諸靈官

伏聞玄武標名統北陸之七宿顯頊司治領

坎位之諸星斗號福廷牛主道路女稱婦職之象絲綿金寶以製裁虛應宰臣之尊祠祭岡陵而哭泣危有土功架屋之事室曰清廟軍報之儲為宗廟為闡梁兼典壽命主瓜菓主祭祀仍須桓楹壁掌圖書亦拱田宅凡勤

恭而皈命必激越以馳神今醮主恭饗帝克誠事天以實望蘭缸而容與想芝炬以熒煌皈命無上玉虛天北方玄武斗牛女虛危室壁七宿星君伏願宸渥日宣民欲雨集時調玉燭三光全而寒暑平歲屬金穰五穀熟而人民育千林有喜一炁無私稽首皈依虔誠讚詠

信禮無上玉虛天北方玄武斗牛女虛危室壁七宿星君

精明玄武騰蛇孔昭斗為太虛犧牲主牛嫁娶女職圍陵虛昭危號天市室稱廟朝文章土功東壁兼標下司黎庶履御優游小兆皈命百祿是道和願得長生

福生無量天尊

巨眾等志心皈命周天分野十二辰次一

切星君斗中神仙和諸靈官

伏聞周列分野自玄枵至陬管而莫差包別封疆由寶瓶至雙魚而無忒標常名可名之顯號表當見未見之隱躔赤黑黃精編集允資於卓氏石甘巫姓步占端藉於陶生察天

上之興衰定人間之禍福三垣壁燦照臨有大小之珠列舍珠聯運行有疎密之異吉凶昭應測驗精詳凡勤奉而皈命必激越以馳神今醮主恭饗帝克誠事天以實望蘭缸而容與想芝炬以熒煌皈命無上玉虛天周天分野十二辰次一切星君伏願形麗紫虛澤流黃混道遙德履迓春到之門庭容與福襟樂陽生之田里普薰井落均合熙平稽首皈依虔誠讚詠

信禮無上玉虛天周天分野十二辰次

一切星君

列舍周羅十有二辰布疆之域躔次攸分繁星在天下典黎元福德機祥變異災迭各有攸屬影響逡巡明大吉應微暗凶臻小兆皈命與物為春和願得長生

福生無量天尊

向來開祝周天星燈一座並已周圍伏以三垣列舍昭昭設象於金經二景五靈奕奕流形於玉緯開光善瑞兆顯災符大而有國有家或禮樂刑政之變微而若民若庶或兵荒

水疫之憂自非近景既以承天休曷克闡嘉猷以脩人事今醮官恭潔澄五體凝湛一心念戴玄履黃允藉扶持之聖力而摠丹旌素莫酬化育之神功爰建蘭場肅脩藁藁祈縹緲瞻珠座以馳神風蓋徘徊望瓊闕而稽首談談想周天之宿煌煌如市地之星福逐光騰災隨燼落伏願醮官其道心開發德性昭明挿架戴香七葉薄絃歌之化堆床荔滿五枝垂文獻之芳學詩學禮之優遊潤屋潤身而茂悅卿雲耀彩瑞露凝甘凡圖形於端倪均超跡於覆載奉奉有禱切切無為稽首

皈依志心稱念福生無量天尊長生保命天尊消災解厄天尊和不可思議功德

靈寶領教濟度金書卷之一百三十九